

# UPMKB ngatur program 'Juh Berekot Konvo' kena 29 Oktober

BINTULU: Palan Betanam Betupi Putra Universiti Putra Malaysia Kampus Bintulu (UPMKB) deka ngatur program 'Juh Berekot Konvo' beserimbai enggau Pengerami Konvokesyen UPMKB 2023 kena 29 Oktober berengkah pukul 6 pagi.

Pengari ari UPMKB madah, program nya dikearap ilih diatur myyadi program ninting taun lalu nyadi siti ari aktiviti dalam pengerami konvokesyen.

Ku iya, pekit belanda jauh nya majak nerima sambut ari mensia mayuh diatu.

Nya alai ku iya, aktiviti baka belanda ngulihka belanja nyentuka ke lumba maraton udah diatur sereta dipasuk mayuh penyereta.

"Aktiviti kombinasi belanda ba trek enggau 'larian jejak' mega nerima sambut ti manah," pia ku pengari nya.

Berebak enggau nya, Penyangding Penemu program ke mega Sapit Direktor Palan Betanam Betupi Putra UPMKB Profesor Madya Dr Amy Halimah madah, program belanda ti keterubah endar diatur nya dibuka ngagai peranak menua enggau ukai peranak menua ti beumur 15 taun ke atas.

Ku iya, nya ditatak ngagai 500 iku ti deka belanda sepenyauh 5.5 kilometer (km) ba dua kategori iya nya lelaki enggau indu.

"Tetiap iku penyereta mega deka bulih midul enggau 'baju penamat' kelimpah ari ti ngeregister diri pengudah 23 September 2023," ku iya.

Direktor program Khalid Nawi madah, idea ngatur pekit belanda nya pansut pengudah beratika sambut ti manah maya ngatur beberapa pekit belanda sebedau tu.

"Kami nyukung aktiviti ti meransang pengerai runding enggau fizikal kelebihan agi untkup raban UPMKB mendisia mayuh ditu ti lalu nyaup ngelakuka UPMKB nengah lumba belanda," ku iya.

Ku iya, sesapa individu tauka ejensiti bisi ati deka mantu tauka meri belanja enda amat dikelaluka, lalu sida tau bejaku enggau bagi pengatur program Dr Carlina Freddie ba lumur 019-8340886 tauka Josephine Jawai Makos (013-7073252).

Bantu mata duit tau diseliahka ari chukai ba ke bisi dalam Seksyen 44(6) Akta Cukai Pendapatan 1967.

"Enti ti nyaup melanja RM2,000 ke atas, logo kompeni ti melanja deka dichelak ba baju program nyadika kelai meri terima kasih lalu untkup ti nyaup melanja RM5,000 ke atas, logo kompeni deka dichelak ba baju enggau banner program 'Juh Berekot Konvo'," ku iya.

**JUH BEREKOT KONVO**

**29 Okt. 2023 (Ahad)**  
**6.00am Flag Off**

**Dewan Sri Kenyalang, UPMKB**

**Pendaftaran Awal** 16 Sept. - 22 Sept. **RM60**  
**Pendaftaran Selepas** 23 Sept. **RM30**

**Distance 5.5km**

**Pengarah Program:** En. Khalid Nawi (011 899 7127)  
**Urusetia:** Dr. Carlina Freddie Simai @ @canobynua (019 834 0886), Bk. Josephine Jawai Makos (013 707 3252)

**ENTITAS KOD QR UNTUK PENDAFTARAN**

UPMKB KAMPUS BINTULU SARAWAK

**KETERUBAH ENDAR DIATUR:** Penyereta ditesi masuk program 'Juh Berekot Konvo' Pengerami Konvokesyen UPMKB 2023 ti diatur kena 29 Oktober.